

Gvangjsih Minzczu Bau

ganhhau: CN45-0036 B.2020 Nd.5 Ng.13 liggaueq gengcej nienz ndwenseiq ngeihcib it

广西民族报

(壮文版)

主管主办: 广西壮族自治区

民族宗教事务委员会

编辑出版: 广西民族报社

出版期数: 总第 3423 期

Yungzsuij Minzczu Cunghyoz "Sam Yawjnaek" Doicaenh Minzczu Vwnzva Haeuj Hagdangz Hozdung

Yungzsuij Myauzczu Swciyen Minzczu Cunghyoz aeu ndaej Goz-vuyen daihcaet baez daengx guek minzczu doxgiet cinbu mozfan cizdij. Doengh bi neix daeuj, aen hagdangz neix yawjnaek yaubwnj yenzgiu gyaueq caeuq hagdangz vwnzva gensez, gaenxmaenx haifat yinzvwnz hozdung, hong minzczu vwnzva haeuj hagdangz guh ndaej hoenghhwd cingzcih yienhda.

Yawjnaek yaubwnj yenzgiu

gyauyuz. Hailaeb gij gocwnz minzczu daegsaek vwnzva, cauhsien caemhcaiq yaengguh 《Yungzsuij Minzczu》《Yungzsuij Minzczu Vwnzva Genji Duzbwnj》daengj yaubwnj gyaueq, dawz gyong Myauzczu caeuq goengfou, venz vwnzva yungzhab hwnjdaej, moix singhgiz banh doeg saw ginghdenj hozdung, hawj hagseng lai rox minzczu vwnzva.

Yawjnaek hagdangz vwnzva

gensez. Cauhguh aen hagdangz miz minzsug vwnzva, hungzyangz gij conzdungj vwnzva maenhndei Cungguk, daegbied cingj boux cienziep feihyiz haenx haeuj hagdangz, vih hagseng gangilwnh gij vwnzva feihyiz minzczu, guh gij hozdung minzsug vwnzva lauxsae caeuq hagseng gapdoi.

Yawjnaek haifat yinzvwnz hozdung. Dajcauh aen dihi ganq vunz "rox laex miz daek", doihengz cizdij

gyaq ndei Cunghvaz conzdungj ngoenzciet, gawjbanh conzdungj vwnzva gyaueq hozdung caeuq daudwz daejniemh hozdung, hawj hagseng nyinhrox conzdungj, hungzyangz conzdungj, demlai gij cingzgamj gyaek guekcoj, gyaek mbanjranz, gyaek bouxwnq, baenzneix bae beizyangj hagseng laebhwnj gij yinzvwnghvahn, gyacizgvahn cingq-deng.

(Cinz Cunghdwz/陈忠德)



Lungzswng: Gag Cauh Cauhlienhdang Miz Rengz Bae Hagsib

Youq mwh fat binghra, aenvih hagdangz mbouj ndaej baenz gyoengq baenz bang comz guh hozdung baihgrog, Lungzswng Gak Cuz Swciyen Minzczu Cunghyoz gag bien gag cauhsien le dauq cauhsienhdang habngamj youq ndaw gyaueq guh ndeu, hawj hagseng ndaej lienhdang, daezsang gij yauliz hagsib gyoengqde. Aenvih gyaueq mbouj miz geijlai hung, ndigah dauq cauhsienhdang neix cujyau dwg hawj ndang ning, seizgan miz 2 faen 30 miux, dungcoz ndeiyawj, gig ngaih hag rox, ndaej daengz lauxsae caeuq hagseng daengx hagdangz ndiepgyaez caeuq haenndei.

(Vuz Swnghbinh / 吴生斌)

Binhyangz Dungjanc Bouhmonz Gaenxmaenx Bangcoengh Duetgungz Gunggeng

Mboengqneix, Binhyangz Yen Swlungj Cin Dungjanc Cansen youq Yenveij Dungjancbu dazyinx caeuq haeujcoengh baihlaj, cujiz cin sanghvei, yienh singhyij conzmeiz gunghsw, Swlungj Cin vanyin bwnjcauj cunghyoz yinjbencangj guh gij hozdung bang rengz gai canjbinj fuzbinz canjnieb, gaenxmaenx vih mbanj gungzhoj vunzlai baiz you gej nanz.

Bineix doxdaeuj, aenvih deng binghra feiyenz yingyangj, Sw-

lungj Cin dingzlai ranz gungzhoj swnghcanj caeuq saedcej hix deng yingyangj youqgaen, cauhsien ranz gungzhoj gij huqdoj gag ndaem gag ciengx mbouj miz banhfap gai okbae. Naemj daengz cungj cingz-gvang neix, Binhyangz Yen dungjanc bouhmonz cawjdoengh gaenxmaenx bae guh, cungfaen fazveih bouhmonz gij cozyung ciknaengz de, cujiz sanghvei, feihgungh giyez coengh rengz buekhingz aen biengz siujganh, buekhingz gij nanzdaez

duetgungz.

Gaengawq gyoepsuenq, baez hozdung neix vih Swlungj Cin bouhfaen ranz gungzhoj gai gaeq-noh 5000 duz, ranz gungzhoj cigsoh ndaej ik 20 fanh maenz; vih Swlungj Cin hwnqguh aen dieg-goek guh cunghcaujyoz rau dieg, genj dingh binjcongj dajndaem, dingh cawx gomiuz daezhawj gisuz sonyinx, bau soucawx wngqcingz daengj.

(Lanz Sui/蓝葵)

SIUSIK DINJ

● Mboengqneix, Gunghcwnz Yauzczu Swciyen doicaenh cwnghfaz gangingj "seiq dungyiz sam iugouz haj liujgaij" haeuj mbanj haeuj ranz hozdung, haeuj ndaw vunzlai rox minzeiq, senhconz bujgiz faplwd cihsiz, gvansim vunzlai, gajgez saedsaeh nanzhoj, coicaenh cwnghfaz duivuj caepfap habhoz, laebhwnj yienghsiengq ndei.

(Cwnz Ciminj)

● Lozcwnz Mulauzczu Swciyen haenqrengz cauhsien, dawz goeng-rengz daengx yienh haenqrengz hoenx ndei ciengz ciengq duetgungz gunggeng. Ginggvaq seiq bi lienz-daemh gunggeng, daengx yienh miz 8.2 fanh boux gungzhoj duetgungz, 63 aen mbanj gungzhoj ok doih, aen beijlwd bienq gungzhoj gyangq daengz 2.21%.

(Mungz Cwnghsw)

● Mboengqneix, Denzlinz Yen Yihliuz Baujanc Giz bae Betdoh Yauzczu Yangh guh hong senhconz camgya singz mbanj vunzyouq gihbwnj yihliuz baujiemj cwnghcwz. Gangilwnh gij ndeicawq gvendaengz camgya baujiemj, hawj vunzlai engq rox yihbauj cwnghcwz, gyagiengz ginzcong camgya baujiemj yisiz.

(Yungz Denhcinh)

● Geij ngoenz neix daeuj, Guekgya Suivu Cunggiz Lungzswng Gak Cuz Swciyen Suivugiz laeb aen "suisen fugsah dui", bae daengz hagdangz caeuq giyez guh suisouh senhconz hozdung, gaenxmaenx doicaenh gak hangh suisouh gajgwz, daezsang ginghci caetliengh, cauhsien ok senhconz fwnhvez ndei.

(Vuz Swnghbinh)